

千金翼方



千金翼方卷第三

本草中

宋朝奉郎守大常少卿充秘閣校理林億等校正

明翰林院檢討國史纂修官王肯堂重校

內閣撰文中書舍人加四級金匱華希閔校刻

草部下品之上

草部下品之下

木部上品

木部中品

木部下品

人獸部



草部下品之上 三十五味

大黃 吉更 甘遂 葶藶 芫花附根 澤漆 大戟 葶藶

旋復花根附 鈎吻 藜蘆 赭魁 及已 烏頭射附 烏

天雄 附子 側子 羊躑躅 茵芋 射干 鳶尾 貫眾附花

半下 由跋 虎掌 蔓荈 蜀漆 恒山 青葙子附莖葉

牙子 白欬 白及 蛇含 草蒿 萑菌

大黃將軍 味苦寒大寒無毒主下瘀血血閉寒熱破癥瘕積聚

留飲宿食蕩滌腸胃推陳致新通利水穀調中化食安和五臟

平胃下氣除痰實腸間結熱心腹脹滿女子寒血閉脹小腹痛

諸老血留結一名黃良生河西山谷及隴西二月八月採根火乾

吉更味辛苦微溫有小毒主胸脇痛如刀刺腹滿腸鳴幽幽驚
恐悸氣利五臟腸胃補血氣除寒熱風痺溫中消穀療喉咽痛
下蠱毒一名利如一名房圖一名白藥一名梗草一名薺草生
嵩高山谷及冤句二月八月採根暴乾

甘遂味苦甘寒大寒有毒主大腹疝瘕腹滿面目浮腫留飲宿
食破癥堅積聚利水穀道下五水散膀胱留熱皮中痞熱氣腫
滿一名甘藁一名陵藁一名陵澤一名重澤一名主田生中山
川谷二月採根陰乾

葶藶味辛苦寒大寒無毒主癥瘕積聚結氣飲食寒熱破堅逐
邪通利水道下膀胱水伏留熱氣皮間邪水主出面目浮腫身

暴中風熱癰瘰利小腹久服令人虛一名于陸一名萆蒿一名
大室一名大適生藁城平澤及田野立夏後採實陰乾得酒浸
芫花味辛苦溫微溫有小毒主欬逆上氣喉鳴喘咽腫短氣
毒鬼瘡疔痕癰腫殺虫魚消胸中痰水喜唾水腫五水在五臟
皮膚及腰痛下寒毒肉毒久服令人虛一名去水一名毒魚一
名杜芫其根名蜀桑根療疥瘡可用毒魚生淮源川谷三月三
日採花陰乾

澤漆味苦辛微寒無毒主皮膚熱大腹水氣四肢面目浮腫丈
夫陰氣不足利大小腸明目輕身一名漆莖大戟苗也生太山
川澤三月三日七月七日採莖葉陰乾

大戟味苦甘寒大寒有小毒主蠱毒十二水腹滿急痛積聚中風皮膚疼痛吐逆頸腋癰腫頭痛發汗利大小腸一名印鉅生常山十二月採根陰乾

薺花味苦辛寒微寒有毒主傷寒溫瘧下十二水破積聚大堅癥瘕蕩滌腸胃中留癖飲食寒熱邪氣利水道療痰飲欬嗽生咸陽川谷及河南中牟六月採花陰乾

旋復花味鹹甘溫微溫令利有小毒主結氣脇下滿驚悸除水去五臟間寒熱補中下氣消胸上痰結唾如膠漆心脇痰水膀胱留飲風氣濕痺皮間死肉目中眵瞤利大腸通血脉益色澤一名戴椹一名金沸草一名盛椹其根主風濕生平澤川谷五

月採花日乾二十日成

鈎吻味辛溫有大毒主金瘡乳疽中惡風欬逆上氣水腫殺鬼
疰蠱毒破癥積除脚膝痺痛四肢拘攣惡瘡疥虫殺鳥獸一名

野葛折之青烟出者名固活甚熱不入湯生傳高山谷

及會稽東野

藜蘆味辛苦寒微寒有毒主蠱毒欬逆洩痢腸僻頭瘍疥瘡惡
瘡殺諸虫毒去死肌療噦逆喉痺不通鼻中息肉馬刀爛瘡不
入湯一名葱苒一名葱葵一名山葱生太山山谷三採根陰乾
赭魁味甘平無毒主心腹積聚除三虫生山谷二月採
及已味苦平有毒主諸惡瘡疥癰蝕及牛馬諸瘡

烏頭味辛甘溫大熱有大毒主中風惡風洗洗出汗除寒濕痺

欬逆上氣破積聚寒熱消胸上痰冷食不下心腹冷疾臍間痛

肩脾痛不可俛仰目中痛不可久視又墮胎其汁煎之名射野

射罔味苦有大毒療尸疰癥堅及頭中風痺痛一名奚毒

卽子一名烏喙

烏喙味辛微溫有大毒主風濕丈夫腎濕陰囊癢寒熱歷節掣

引腰痛不能行步癰腫膿結又墮胎生朗陵山谷正月二月採

陰乾長三寸以上爲天雄

天雄味辛甘溫有大毒主大風寒濕痺歷節痛拘攣緩急

破積聚邪氣金瘡強筋骨輕身健行療頭面風去來疼痛心腹

結積閑節重不能行步除骨間痛長陰氣強志令人武勇力作

不倦又墮胎一名白幕生少室山谷二月採根陰乾

附子味辛甘溫大熱有大毒主風寒欬逆邪氣溫中金瘡破者
堅積聚血瘕寒濕痿躄拘攣膝痛脚疼冷弱不能行步腰脊風
寒心腹冷痛霍亂轉筋下痢赤白堅肌骨強陰又墮胎爲百藥
長生犍爲山谷及廣漢冬月採爲附子春採爲烏頭

側子味辛大熱有大毒主癰腫風痺歷節腰脚疼冷寒熱鼠瘻
又墮胎

羊躑躅味辛溫有大毒主賊風在皮膚中淫淫痛溫瘧惡毒諸
痺邪氣鬼疰蠱毒一名玉支生太行山川谷及淮南山三月採
茵芋味苦溫微溫有毒主五臟邪氣心腹寒熱羸瘦如瘧狀發

作有時諸閔節風濕痺痛療久風流走四肢脚弱一名亮

名單共生太山川谷三月三日採葉陰乾

射干味苦平微溫有毒主欬逆上氣喉痺咽痛不得消息散結

氣腹中邪逆食飲大熱療老血在心脾間欬唾言語氣臭散胸

中熱氣久服令人虛一名烏扇一名烏蒲一名烏髮一名烏吹

一名草姜生南陽川谷田野三月三日採根陰乾

鴛尾味苦平有毒主蠱毒邪氣鬼疰諸毒破癥瘕積聚去水下

三虫療頭眩殺鬼魅一名烏園生九疑山谷五月採

貫眾味苦微寒有毒主腹中邪熱氣諸毒殺三虫去寸白破癥

瘕除頭風止金瘡花療惡瘡令人洩一名貫節一名貫渠一名

百頭一名虎卷一名扁符一名伯萍一名藥藻此謂草鴟頭生
立山山谷及寃句少室山二月八月採根陰乾

半下味辛平生微寒熱溫有毒主傷寒寒熱心下堅下氣喉咽

腫痛頭眩胸脹欬逆腸鳴止汗消心腹胸膈痰熱滿結欬嗽上

氣心下急痛堅痞時氣嘔逆消癰腫墮胎療痿黃悅澤面目生

令人吐熱令人下月之湯洗令滑盡一名守田一名地文一名

水玉一名示姑生槐里川谷五月八月採根暴乾

由跋主毒腫結熱

虎掌味苦溫微寒有大毒主心痛寒熱結氣積聚伏梁傷筋痿

拘緩利水道除陰下濕風眩生漢中山谷及寃句八月採陰乾

葇荈子味苦甘寒有毒主齒痛出虫肉痺拘急使人健行見
療癲狂風癇顛倒拘攣多食令人狂走久服輕身走及奔馬強
志益力通神一名橫唐一名行唐生海濱川谷及雍州五月採
蜀漆味辛平微溫有毒主瘡及欬逆寒熱腹中癥堅痞結積聚
邪氣蠱毒鬼疰療胸中邪結氣吐出之生江林山川谷及蜀漢
中常山苗也五月採葉陰乾

恒山味苦辛寒微寒有毒主傷寒寒熱發溫瘧鬼毒胸中痰
結吐逆療鬼蠱往來水脹洒洒惡寒鼠瘦一名互草生益州川
谷及漢中八月採根陰乾

青葙子味苦微寒無毒主邪氣皮膚中熱風癢身癢殺三虫惡

瘡疥蝨痔蝕下部蠱瘡子名草決明療唇口青一名草蒿一名
萑蒿生平谷道傍三月採莖葉陰乾五月六月採子

牙子味苦酸寒有毒主邪氣熱氣疥癩惡瘍瘡痔去白虫一名
狼牙一名狼子一名榧齒一名犬牙生淮南川谷及宛句八月
採根暴乾中濕腐爛生衣者殺人

白欬味苦甘平微寒無毒主癰腫疽瘡散結氣止痛除熱目中
赤小兒驚癇溫瘧女子陰中腫痛下赤白殺火毒一名蒐核一
名白草一名白根一名崑崙生衡山山谷二月八月採根暴乾
白及味苦辛平微寒無毒主癰腫惡瘡敗疽傷陰死肌胃中邪
氣賊氣鬼擊瘵緩不收除白癬疥虫一名甘根一名蓮及草生



北山川谷又寃句及越山

蛇含味苦微寒無毒主驚癇寒熱邪氣除熱金瘡疽痔鼠瘻惡瘡頭瘍療心腹邪氣腹痛濕痺養胎利小兒一名蛇銜生益州山谷八月採陰乾

草蒿味苦寒無毒主疥癩癰瘻惡瘡殺蟲留熱在骨節間明目一名青蒿一名方漬生華陰川澤

藿菌味鹹甘平微溫有小毒主心痛溫中去長虫白癰螻虫蛇螫毒癥瘕諸虫疽蝸去虻虫寸白惡瘡一名藿蘆生東海池澤及渤海章武八月採陰乾

草部下品之下 六十八味

連召 白頭翁 蘭茹 苦芙 羊桃 羊蹄

鹿藿 牛扁 陸英 葫蘆 薑草 夏枯草

烏韭 蚤休 虎杖 石長生 鼠尾草 馬鞭草

胡桐淚 馬勃 鷄腸 蛇莓 苧根 菰根

狼跋子 弓弩絃 春杵頭細糠 敗天公 半天河

地漿 敗蒲席 敗船茹 敗鼓皮 屋遊 赤地利

赤車使者 劉寄奴 三白草 牽牛子 豬膏莢 紫葛

蓖麻子附葉 葎草 格注草 獨行根 狗舌 烏蘇莢

猓莢 狼毒 鬼臼 蘆根 甘蕉根 扁蓄

酢醬草 蔞實 蒲公草 商陸 女青 水蓼



角蒿

昨葉何草

白附子

鶴蝮

旣帶灰

屢屢鼻繩

故麻鞋底

雀麥

筆頭灰

連召味苦平無毒主寒熱鼠瘻瘰癧癰腫惡瘡癭瘤結熱蠱毒

去白虫一名異翹一名蘭華一名折根一名軹一名王廉生太

山山谷八月採陰乾

白頭翁味苦溫無毒有毒主溫瘧狂易寒熱癥瘕積聚癭氣逐

血止痛療金瘡鼻衄疔瘕野丈人一名胡王使者一名柰何草

生高山山谷及田野四月採亦療毒痢

藺茹味辛酸寒微寒有小毒主蝕惡肉敗瘡死肌殺疥虫排膿

惡血除大風熱氣善忘不樂去熱痺破癥瘕除息肉一名屈据



一名離婁生代郡川谷五月採根陰乾黑頭者良

苦芙微寒主通身漆瘡作灰療金瘡大驗

羊桃味苦寒有毒主燂熱身暴赤色風水積聚惡瘍除小兒熱

去五臟五水大腹利小便益氣可作浴湯一名鬼桃一名羊腸

一名萇楚一名御弋一名鉞弋生山林川谷及生白野二月採陰乾

羊蹄味苦寒無毒主頭禿疥癬除熱女子陰蝕浸淫疽痔殺虫

一名東方宿一名連虫陞一名鬼目一名蓄生陳留川澤

鹿藿味苦平無毒主蠱毒女子腰腹痛不樂腸癰瘰癧瘍氣生

汶山山谷

牛扁味苦微寒無毒主身皮膚熱氣可作浴湯殺牛蝨小虫又

